


საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის შეფასების ფორმა

მოსამართლეობის კანდიდატის გია ბერაიას შეფასების შედეგი:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	
მოსამართლეობის კანდიდატის შეფასება კომპეტენტურობის კრიტერიუმის მიხედვით		
კრიტერიუმი	მიღებული ქულა	მაქსიმალური ქულა
სამართლის ნორმების ცოდნა	18	20
სამართლებრივი დასაბუთების უნარი და კომპეტენცია	18	20
წერის უნარი	17	20
ზეპირი კომუნიკაციის უნარი	13	15
პროფესიული თვისებები, მათ შორის, ქცევა სასამართლო დარბაზში	15	15
აკადემიური მიღწევები და პროფესიული წვრთნა	4	5
პროფესიული აქტივობები	5	5
<b>ქულათა ჯამი</b>	<b>90</b>	<b>100</b>

თემურ გოგობია

22.11.2021 წელი





საქართველოს იუსტიციის უმაღლესი საბჭოს წევრი თემურ გოგობია

საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენი სამოსამართლო გამოცდილების მქონე მოსამართლეობის კანდიდატის გია ბერაიას - შეფასების დასაბუთება

საქართველოს უზენაესი სასამართლოს მოსამართლის შესარჩევ კონკურსში მონაწილე კანდიდატის - გია ბერაიას შეფასების დასაბუთების შედეგის პროცესში ვიხელმძღვანელებ „საერთო სასამართლოების შესახებ“ საქართველოს ორგანული კანონის კანონის 34<sup>1</sup> მუხლის მე-11 პუნქტით დადგენილი წესით:

მოსამართლეობის კანდიდატის შეფასება კეთილსინდისიერების კრიტერიუმის მიხედვით		კომენტარი
მოსამართლეობის კანდიდატი არ აკმაყოფილებს კეთილსინდისიერების კრიტერიუმს	<input type="checkbox"/>	კეთილსინდისიერების კრიტერიუმით შეფასებისას კანდიდატი შევავასე „საერთო სასამართლოების შესახებ“ ორგანული კანონის 36 <sup>3</sup> მუხლის პირველი პუნქტით განსაზღვრული კეთილსინდისიერების კრიტერიუმის და ამავე კანონის 35 <sup>1</sup> -ე მუხლის მე-15 პუნქტის მიხედვით და აღნიშნულ მახასიათებელთა შეფასების და შეჯერების საფუძველზე შევადგინე შეფასების დასკვნა კანდიდატის კეთილსინდისიერების კრიტერიუმის შესახებ.
მოსამართლეობის კანდიდატი აკმაყოფილებს კეთილსინდისიერების კრიტერიუმს	<input type="checkbox"/>	კეთილსინდისიერების ყოველი მახასიათებლით შეფასება ეფუძნება კანონით განსაზღვრულ ამ მახასიათებელთა შემადგენელ კომპონენტებს, ასევე საჯარო მოსმენის შედეგად და შესაბამისი სტრუქტურული ქვედანაყოფის მიერ კანდიდატის შესახებ მოძიებულ ინფორმაციაში გადმოცემული გარემოებების შეჯერებას და
მოსამართლეობის კანდიდატი სრულად აკმაყოფილებს კეთილსინდისიერების კრიტერიუმს	<input checked="" type="checkbox"/>	

	<p>გაანალიზებას.</p> <p>„საერთო სასამართლოების შესახებ“ ორგანული კანონის 36<sup>3</sup> მუხლის პირველი პუნქტით დადგენილი კეთილსინდისიერების კრიტერიუმის მახასიათებლები:</p> <p>პიროვნული კეთილსინდისიერება და პროფესიული სინდისი;  დამოუკიდებლობა, მიუკერძოებლობა და სამართლიანობა;  პიროვნული და პროფესიული ქცევა;  პიროვნული და პროფესიული რეპუტაცია;  ფინანსური ვალდებულება;</p> <p><i>პიროვნული კეთილსინდისიერებისა და პროფესიული სინდისის მახასიათებლით</i> - კანდიდატის შეფასებისას გაითვალისწინება პირის როგორც მოსამართლისა და მოქალაქის პატიოსნება, კეთილსინდისიერება, მოვალეობების და პასუხისმგებლობის შესაბამისი შეგნება, სიმართლისმოყვარეობა, გამჭვირვალობა, კორექტულობა და სიზუსტე, სამსახურეობრივი თუ სხვა მოვალეობების, ფინანსური თუ სხვა ვალდებულებების შესრულებისას (მაგ: ქონებრივი დეკლარაციის შევსებისას, ბანკის ან სხვა ვალის, კომუნალური ან სხვა გადასახადის გადახდისას, საგზაო მოძრაობის წესების დარღვევისათვის, ჯარიმის გადახდის დროს) და სხვა.</p> <p>მოდებული ინფორმაციის თანახმად, კანდიდატის შემოსავლების დაუსაბუთებლობის ან უკანონობის ნიშნები არ გამოვლენილა. საქართველოს ფინანსთა</p>
--	---

	<p>სამინისტროს შემოსავლების სამსახურის ინფორმაციით გია ბერაიას სახელმწიფო ბიუჯეტის მიმართ არ ერიცხება დავალიანება, კანდიდატს აქვს მიმდინარე სესხი, აქვს დადებითი საკრედიტო ისტორია. კანდიდატი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. კანდიდატის მიერ შევსებული დეკლარაცია შეესაბამება კანონის მოთხოვნებს.</p> <p>შინაგან საქმეთა სამინისტროს საინფორმაციო ანალიტიკური დეპარტამენტიდან წარმოდგენილი ინფორმაციის თანახმად, კანდიდატს დაუფიქსირდა რამდენიმე ადმინისტრაციული სამართალდარღვევის ფაქტი. ხსენებულ შემთხვევებში ადმინისტრაციული სამართალდარღვევისათვის გათვალისწინებული სახდელები (ჯარიმები) გადახდილია დროულად, კანონმდებლობით განსაზღვრულ ვადაში.</p> <p>გამოკითხული რესპოდენტები კანდიდატის პირად თვისებებს და პროფესიულ საქმიანობას იცნობენ კარგად. რესპოდენტების აზრით, კანდიდატი სრულად აკმაყოფილებს კეთილსინდისიერების კრიტერიუმს, გამოარჩევნ კანდიდატის ისეთ თვისებებს, როგორცაა შრომისმიყვარეობა, პრინციპულობა და საქმისადმი ერთგულება.</p> <p>ყოველივე ზემოაღნიშნულის გაანალიზების შედეგად მივიჩნევ, რომ კანდიდატი - გია ბერაია აკმაყოფილებს პიროვნული კეთილსინდისიერებისა და პროფესიული სინდისის მახასიათებელს.</p>
--	--

		<p><b>დამოუკიდებლობის, მიუკერძოებლობის და სამართლიანობის მახასიათებლით</b> - შეფასებისას გაითვალისწინება კანდიდატის პრინციპულობა, მის მიერ გადაწყვეტილების დამოუკიდებლად მიღების უნარი და ზეგავლენის მიმარ მედეგობა, პიროვნული სიმყარე და შეუვალობა, პოლიტიკური ან სხვა ნიშნით მიუკერძოებლობა. სამართლიანობა და სხვა.</p> <p>მოძიებული ინფორმაციის თანახმად, გია ბერაია არ ყოფილა არც ერთი პოლიტიკური პარტიის წევრი/მხარდამჭერი და შემომწირველი. გასაუბრებისას კანდიდატს არ გამოუხატავს რაიმე მიკერძოებული დამოკიდებულება სხვადასხვა ჯგუფების ან რაიმე შეხედულებათა მიმართ.</p> <p>კანდიდატის შეფასებისას რეკომენდატორები გამოარჩევენ ისეთ თვისებებს, როგორცაა დამოუკიდებლობა, თავდაჯერებულობა, პრინციპულობა და საქმისადმი ერთგულება.</p> <p>ხელთარსებული მონაცემების, მათ შორის საჯარო გასაუბრების გათვალისწინების შედეგად მინდა აღვნიშნო, რომ კანდიდატის პასუხები იყო ღია და გულწრფელი, მიმაჩნია, რომ კანდიდატს დამოუკიდებლად შეუძლია ლოგიკური დასკვნების გაკეთება და საკუთარი პოზიციის დაცვა, იგი თავისუფალია გარე გავლენებისაგან. ყოველივე ეს მამლევს საფუძველს კანდიდატი კეთილსინდისიერების ამ მახასიათებლით შევაფასო დადებითად.</p>
--	--	---

		<p><i>პიროვნული და პროფესიული ქცევის მახასიათებლით</i> - შეფასებისას გაითვალისწინება მის მიერ სამოსამართლო ეტიკის დაცვა, მისი კორექტულობა კოლეგებთან და სხვა პირებთან ურთიერთობისას, მოსამართლის მაღალი წოდების შესაბამისი ქცევა და იმიჯი, თავდაჭერილობა, საკუთარი ემოციების მართვის უნარი, ქცევა მის მიმართ დისციპლინური სამართალწარმოების მიმდინარეობისას, მხარედ მისი მონაწილეობით სასამართლოში წარმართული დავები, მის წინააღმდეგ სისხლისსამართლებრივი ბრალდებების არსებობა და სხვა.</p> <p>მოძიებული ინფორმაციის თანახმად, გია ბერაიას მიმართ დისციპლინური დევნა არ დაწყებულა. ასევე, კანდიდატი მხარედ/დაზარალებულად წარმოდგენილი არ ყოფილა.</p> <p>კანდიდატის შესახებ რესპოდენტების და რეკომენდატორების მოსაზრებების, კოლეგების მხრიდან ურთიერთობების და საჯარო მოსმენის შედეგად მიღებული შთაბეჭდილებიდან გამომდინარე, მინდა აღვნიშნო, რომ გია ბერაია არის მოწესრიგებული, თავდაჯერებული, გაწონასწორებული და უაღრესად კორექტული პიროვნება, ამასთან კარგად მართავს ემოციებს.</p> <p>ყოველივე ზემოაღნიშნული მაძლევს იმის საფუძველს, რომ კანდიდატი კეთილსინდისიერების კრიტერიუმის ამ მახასიათებლით შევავასო დადებითად.</p> <p><i>პიროვნული და პროფესიული რეპუტაციის</i></p>
--	--	--

		<p><i>მახასიათებლით</i> - შეფასებისას მხედველობაში მიიღება კანდიდატის საქმიანი და მორალური რეპუტაცია, ავტორიტეტი იურიდიულ წრეებსა და საზოგადოებაში, იურიდიულ წრეებთან ურთიერთობის ხასიათი, ხარისხი და სხვა.</p> <p>მოძიებული ინფორმაციის თანახმად, რეკომენდატორების, პიროვნულ და პროფესიულ ურთიერთობაში მყოფი პირების დახასიათება-შეფასების მიხედვით, შემძლია დავასკვნა, რომ კანდიდატი სარგებლობს მაღალი პიროვნული და პროფესიული რეპუტაციით, რაც მამლევს საფუძველს კანდიდატი კეთლსინდისიერების კრიტერიუმის ამ მახასიათებლით შევაფასო დადებითად.</p> <p><i>ფინანსური ვალდებულების მახასიათებლით</i> - შეფასებისას გაითვალისწინება ინფორმაცია მისი შემოსავლის წყაროს, აქტივების, საკუთრებაში ან/და სარგებლობაში არსებული ქონების და ამ ქონებისა და შემოსავლის, შესაბამისი ვალისა და ვალდებულების შესახებ.</p> <p>მოძიებული ინფორმაციის თანახმად, გია ბერაიას საკრედიტო ან სხვა სახის მიმდინარე ვადაგადაცილებული ფინანსური, მათ შორის სახელმწიფო ბიუჯეტის მიმართ, ვალდებულება არ გააჩნია. კანდიდატი მეწარმეთა და არასამეწარმეო იურიდიულ პირთა რეესტრში რეგისტრირებული არ არის. შესაფასებელი პერიოდის განმავლობაში მის მიერ ჩადენილი ადმინისტრაციული სამართალდარღვევებისათვის შეფარდებული სახდელები ჯარიმების სახით კანდიდატს გადახდილი აქვს</p>
--	--	--

			<p>დროულად, კანონმდებლობით განსაზღვრულ ვადაში.</p> <p>საბოლოოდ, ყოველივე ზემოაღნიშნულის გათვალისწინებით, ვთვლი, რომ არ ვლინდება კანდიდატის კეთილსინდისიერების ეჭვქვეშ დაყენების რაიმე საფუძველი, შესაბამისად, მიმაჩნია, რომ გია ზერაიას სრულად აკმაყოფილებს კეთილსინდისიერების კრიტერიუმს.</p>
<p>მოსამართლეობის კანდიდატის შეფასება კომპეტენტურობის კრიტერიუმის მიხედვით</p>			<p>კომენტარი</p>
<p>კრიტერიუმი</p>	<p>მიღებული ქულა</p>	<p>მაქსიმალური ქულა</p>	
<p>სამართლის ნორმების ცოდნა</p>	<p>18</p>	<p>20</p>	<p>კომპეტენტურობის კრიტერიუმით უზენაესი სასამართლოს მოსამართლეობის კანდიდატის - გია ზერაიას შეფასებისას გავითვალისწინე „საერთო სასამართლოების შესახებ“ საქართველოს ორგანული კანონის 36<sup>4</sup> მუხლის მე-8 პუნქტით დადგენილი მახასიათებლები:</p> <ol style="list-style-type: none"> <li>1. სამართლის ნორმების ცოდნა;</li> <li>2. სამართლებრივი დასაბუთების უნარი და კომპეტენცია;</li> <li>3. წერის უნარი;</li> <li>4. ზეპირი კომუნიკაციის უნარი;</li> <li>5. პროფესიული თვისებები, მათ შორის ქცევა სასამართლო დარბაზში;</li> <li>6. აკადემიური მიღწევები და პროფესიული წვრთნა;</li> <li>7. პროფესიული აქტივობა;</li> </ol> <p>ამასთან კომპეტენტურობის კრიტერიუმით კანდიდატის</p>



		<p>შეფასებას საფუძვლად დაედო კანდიდატის შესახებ მოძიებული ინფორმაცია, კანდიდატის მიერ კონკურსის ფარგლებში წარმოდგენილი სამართლებრივი დოკუმენტები და საჯარო მოსმენის შედეგად მიღებული შთაბეჭდილებები.</p> <p><i>სამართლის ნორმების ცოდნის მახასიათებლით</i> - შეფასებისას ყურადღება ექცევა კანდიდატის მიერ მატერიალური და საპროცესო სამართლის ნორმების, ასევე ადამიანის უფლებათა სამართლის, მათ შორის ადამიანის უფლებათა ევროპული სასამართლოს პრეცედენტული სამართლის ცოდნის დონეს.</p> <p>კანდიდატის მიერ წარმოდგენილი სასამართლო გადაწყვეტილებისა და გასაუბრების შედეგად მიღებული შთაბეჭდილების გათვალისწინებით, შეიძლება ითქვას, რომ გია ბერაია კარგად ფლობს საქართველოს ადმინისტრაციულ, სამოქალაქო საპროცესო და მატერიალური სამართლის თეორიულ საფუძვლებს.</p> <p>საჯარო გასაუბრების მიმდინარეობისას კანდიდატმა ისაუბრა ისეთ საკითხებზე, როგორცაა კეთილსინდისიერი შემძენის მნიშვნელობა აუქციონის გზით შეძენილ ქონებასთან მიმართებით, პრევენციული დაცვის სპეციალური ღონისძიებების მნიშვნელობა და მათი განსხვავება სამოქალაქო და ადმინისტრაციულ სამართალში, ასევე, საკუთარი დამოკიდებულება ჩამოაყალიბა საარჩევნო უფლების შეზღუდვის საკითხზე, თუ რას ემსახურება აღნიშნულის დაწესება კანონმდებლის</p>
--	--	--

		<p>მიერ. ისაუბრა და საკუთარი დამოკიდებულება დააფიქსირა ამიკუს კურიეს მნიშვნელობაზე.</p> <p>გასაუბრების მიმდინარეობისას კანდიდატმა ამომწურავი პასუხები გასცა სისხლის სამართლის მიმართულებით დასმულ შეკითხვებს, კერძოდ ისაუბრა მსჯავრდებულის მიმართ უვადო თავისუფლების აღკვეთის სახით გამოყენებული სასჯელის გადასინჯვის საფუძვლების შესახებ, ერთმანეთისგან გამიჯნა წვრილმანი ხულიგნობა და ხულიგნობა. ასევე, ერთმანეთისგან განასხვავა ცრუ დასმენა და ცრუ ჩვენების მიცემა. კანდიდატმა საკუთარი დამოკიდებულება გამოხატა ნაფიც მსაჯულთა ინსტიტუტის უარყოფითი და დადებითი მხარეების შესახებ.</p> <p>რაც შეეხება კანდიდატის მიერ ადამიანის უფლებათა სამართლის, საერთაშორისო სამართლის ნორმების და მათ შორის ადამიანის უფლებათა პრეცედენტული სამართლის ნორმების ცოდნის დონეს, კანდიდატმა ისაუბრა ადამიანის უფლებათა ევროპულ სასამართლოში რა შემთხვევაში გადაეცემა საქმე დიდ პალატას, ისაუბრა კონვენციის მეექვსე მუხლის გამოყენების შესაძლებლობაზე ადმინისტრაციულ სამართალდარღვევებთან მიმართებით და ჩამოაყალიბა საკუთარი დამოკიდებულება ზიანის ანაზღაურებასთან დაკავშირებით, ერთმანეთისგან გამიჯნა კონვენციის მეექვსე და მეცამეტე მუხლების გამოყენების ფარგლები, შეძლებისდაგვარად ამომწურავად ისაუბრა</p>
--	--	--

			<p>დისკრიმინაციასთან დაკავშირებულ საკითხებზე.</p> <p>საჯარო გასაუბრებით მიღებული შთაბეჭდილებების და კანდიდატის მიერ წარმოდგენილი სასამართლო გადაწყვეტილების (განჩინების) ანალიზის შედეგად ვთვლი, რომ გია ბერაიამ გამოავლინა როგორც შიდასახელმწიფოებრივი, ასევე საერთაშორისო სამართლებრივი ნორმების და პრაქტიკის შესაბამისი ცოდნა.</p>
სამართლებრივი დასაბუთების უნარი და კომპეტენცია	18	20	<p><i>სამართლებრივი დასაბუთების უნარის და კომპეტენციის მახასიათებლით</i> - მოსამართლის შეფასებისას გაითვალისწინება მის მიერ განხილულ საქმეებზე მიღებული გადაწყვეტილებების დასაბუთებულობა და დამაჯერებლობა, მოსამართლის ანალიტიკური აზროვნების უნარი და პროფესიული გამოცდილება. კანდიდატის მიერ წარმოდგენილი იქნა ერთი სასამართლო გადაწყვეტილება ადმინისტრაციულ საქმეებზე.</p> <p>მიმაჩნია, რომ კანდიდატის მიერ წარმოდგენილ განჩინებაში განვითარებული მსჯელობა არის თანმიმდევრული და სარწმუნოდ დასაბუთებული. ჩემი შეხედულებით, როგორც წარმოდგენილი გადაწყვეტილებით (განჩინებით), ასევე საჯარო გასაუბრების შედეგად მიღებული შთაბეჭდილების გათვალისწინებით ნათელია, რომ გია ბერაიას გააჩნია სამართლებრივი პრობლემის სწორად დანახვის და შესაბამისი დასკვნების გაკეთების უნარი.</p>

			კანდიდატს - გია ბერაიას გააჩნია მოსამართლედ მუშაობის 16 წლიანი გამოცდილება. ის ამჟამად მოსამართლის უფლებამოსილებას ახორციელებს თბილისის სააპელაციო სასამართლოს სამოქალაქო საქმეთა პალატაში.
წერის უნარი	17	20	<p><i>წერის უნარის მახასიათებლით</i> - მოსამართლის შეფასებისას გაითვალისწინება აზრის ნათლად და გასაგებად გადმოცემის, ლოგიკური მსჯელობისა და ანალიზის უნარი.</p> <p>კანდიდატის წერის უნარი შეფასებული იქნა კონკურსის ფარგლებში წარმოდგენილი სამართლებრივი დოკუმენტით - კერძოდ, ადმინისტრაციულ საქმეზე მიღებული გადაწყვეტილების ანალიზით. უნდა ითქვას, რომ გადაწყვეტილება (განჩინება) მიღებულია სტანდარტების მაღალი დაცვით. გადაწყვეტილებაში კანდიდატი თანმიმდევრულად ავითარებს ლოგიკურ მსჯელობებს. საკუთარ აზრს აყალიბებს ენობრივი და პროფესიული თვალსაზრისით გამართულად.</p>
ზეპირი კომუნიკაციის უნარი	13	15	<p><i>ზეპირი კომუნიკაციის უნარის მახასიათებლით</i> მოსამართლის შეფასებისას გაითვალისწინება მისი გამართული მეტყველების უნარი. სხვისი აზრის მოთმინებით მოსმენის უნარი, ღიაობა, განსხვავებული აზრის მოსმენის უნარი და სხვა.</p> <p>კანდიდატის საჯარო მოსმენისას მიღებული შთაბეჭდილების შედეგად, უნდა აღინიშნოს, რომ გია ბერაია არის ღია და გახსნილი, მეტყველებს გამართულად, ლაკონურად, ნათლად გადმოსცემს აზრს და გააჩნია</p>

			სხვისი აზრის, მათ შორის განსხვავებული აზრის მოსმენის უნარი. მის მიერ გამოთქმული მოსაზრებები არის ადვილად აღსაქმელი.
პროფესიული თვისებები, მათ შორის, ქცევა სასამართლო დარბაზში	15	15	<p><i>პროფესიული თვისებების, მათ შორის სასამართლო დარბაზში ქცევის მახასიათებლით</i> - მოსამართლის შეფასებისას გაითვალისწინება მისი პუნქტუალობა, საქმის ჯეროვნად და პასუხიმგებლობით მომზადება, ასევე ქცევა სასამართლო სხდომის დარბაზში და სასამართლო სხდომის სათანადოდ წარმართვის უნარი, მისი ქცევა მხარეებთან ურთიერთობისას, გულმოდგინება და შრომისმოყვარეობა, გადაწყვეტილების დაუხმარებლად მიღებისა და დამოუკიდებელი აზროვნების უნარი. სტრესულ სიტუაციაში მუშაობის უნარი, მიზანდასახულობა, პროდუქტიულობა და სისწრაფე, საპროცესო ვადების დაცვა, მენეჯერული უნარ-ჩვევები და სხვა.</p> <p>გია ბერაია არის თბილისის სააპელაციო სასამართლოს მოქმედი მოსამართლე. მოძიებული ინფორმაციის თანახმად, სხდომებს წარმართავს თავდაჯერებულად, მშვიდად და სამოსამართლო ეთიკის ნორმების სრული დაცვით. მისი მხრიდან სხდომაზე ქცევის წესების დარღვევისა და მოსამართლისათვის შეუფერებელი ქმედების, არაკორექტული ქცევის ჩადენის ფაქტი არ გამოვლენილა. აქვს მოსამართლის შესაფერისი იერსახე.</p>
აკადემიური მიღწევები და პროფესიული წვრთნა	4	5	<i>აკადემიური მიღწევებისა და პროფესიული წვრთნის კუთხით</i> - მოსამართლის შეფასებისას გაითვალისწინება სიახლეების მიმართ მისი ღიაობა, თვითგანვითარების

		<p>უნარი, საოფისე კულტურა, ახალი ცოდნისა და უნარების შეძენის ინტერესი, პროფესიული წვრთნის პროგრამებში მონაწილეობა, შეძენილი ცოდნისა და უნარების პრაქტიკულ საქმიანობაში გამოყენება და სხვა.</p> <p>კანდიდატს ჩაბარებული აქვს მოსამართლის საკვალიფიკაციო გამოცდა სისხლის სამართლის სპეციალიზაციით.</p> <p>საჯარო გასაუბრებით მიღებული შთაბეჭდილების, რეკომენდატორების დახასიათების და კანდიდატის წვრთნის პროგრამებში მონაწილეობის გათვალისწინებით ვთვლი, რომ კანდიდატი არის ღია სიახლეების მიმართ და აქვს ახალი ცოდნის და საჭირო უნარების შეძენის ინტერესი.</p> <p>კანდიდატი 2010-2011 წლებში კითხულობდა სალექციო კურსს ახალციხის სახელმწიფო სასწავლო უნივერსიტეტში.</p>
პროფესიული აქტივობა	5	<p>5</p> <p><i>პროფესიული აქტივობის მახასიათებლით</i> - მოსამართლის შეფასებისას გაითვალისწინება სამართლებრივი სისტემისა და მართლმსაჯულების საკითხებზე სხვადასხვა ფორმატის დისკუსიებში, შეხვედრებსა და სემინარებში მისი მონაწილეობა. საკუთარი პოზიციისა და შეხედულებების ღიად და თავისუფლად გამოხატვა. ინიციატივის გამოჩენის უნარი, იდეებისა და წინადადებების წამოყენება. სამეცნიერო და სხვა სახის პუბლიკაციები. დამსახურება იურიდიული პროფესიისა და და საზოგადოების წინაშე და სხვა.</p>

			<p>გია ბერაიას აქვს მონაწილეობა მიღებული სამართლებრივი ხასიათის არაერთ ღონისძიებასა და სემინარში, მათ შორის აღსანიშნავია:</p> <ul style="list-style-type: none"> <li>- პედაგოგიკისა და ფსიქოლოგიაში არასრულწლოვანთა მართლმსაჯულება - სემინარი;</li> <li>- ადამიანით ვაჭრობის წინააღმდეგ ბრძოლა - სემინარი;</li> <li>- სამოქალაქო საქმეზე გადაწყვეტილების ჩამოყალიბება - სემინარი;</li> <li>- არასრულწლოვანთა მართლმსაჯულება - სემინარი;</li> </ul>
ქულათა ჯამი	90	100	
დასაბუთება			<p>ყოველივე ზემოაღნიშნულის გათვალისწინებით მიმაჩნია, რომ უზენაესი სასამართლოს მოსამართლეობის კანდიდატი - გია ბერაია სრულად აკმაყოფილებს კეთილსინდისიერების კრიტერიუმს, რაც შეეხება კომპეტენტურობის კრიტერიუმს, კანდიდატს ჯამში ვაფასებ 90 ქულით.</p>

სახელი, გვარი: თემურ გოგოხია

ხელმოწერა:

თარიღი:

22.11.2021

